

三原縣志

卷之拾三

地  
170.73  
34.1  
7

人物

三原縣志卷之十三

知縣事豐山張象魏編輯

人物五 理學

明

馬理字伯循號谿田同里王承裕作宏道書院講學理從之遊得其指授揚一清督學政見理與呂柟康海文大奇之曰康生之文章馬生呂生之經學皆天下士也弘治十一年以春秋魁鄉試再試禮闈未第游國學與柟及林慮馬卿榆次寇天叙安陽崔銑張士隆同縣秦偉交相切劘文章德義名震都下正德九年舉進士年四

三原縣志

卷之十三

人物

一

十一矣授吏部稽勲主事調文選與郎中不合引疾歸居三年起考功主事偕郎中張衍瑞等諫南巡被杖未幾復歸授徒講業嘉靖三年復薦起稽勲員外郎與郎中余寬等伏闕爭大禮下詔獄再予杖奪俸復職屢遷考功郎中故戶部郎中莊禪者正德時首導劉瑾覈天下庫藏瑾敗落職至是奏辨求復當路者屬理理力持不可寢其事五年大計外吏大學士賈詠吏部廖紀以私憾欲去廣東副使魏校河南副使蕭鳴鳳陝西副使唐龍理力爭曰三人督學名著天下必欲去三人請先去理乃止明年大計京官黜張璉桂萼黨吏部郎中彭

澤璉夢竟取旨留之遷理南京通政叅議復謝病歸三年復薦起光祿卿未幾告歸閱十年復起南京光祿卿尋引年致仕理居嘗言身可絀道不可絀行可則仕惟孔子能之下此惟當守經以故屢進屢退自筮仕以至謝政無日不從事學問其學一以居敬窮理為主四方學徒轉相授受縉紳士子下逮田夫野叟無不欣慕之雖四裔亦聞其名安南使至問吏部郎黃清曰遠聞馬道學名所願一見今何不在仕列清曰馬公高尚朝廷不薄馬公馬公自高尚也高麗使至亦問馬主事為聖朝第一人宜加厚遇乞頒賜所為文使國人矜式其見

三原縣志

卷之十三

人物

二

重如此尤善書八分體類蔡邕大字似顏歐人爭藏之年八十二嘉靖三十四年關中地大震理與妻俱死穆宗立贈右副都御史賜祭葬天啟初追謚忠憲此以明史參之統按身可絀道不可絀數語明史所無學統蓋本之喬世寧碑文來復撰行略及關學編

周廷字公所總角時語吃而煩及遊峩峩精舍聞平心定氣之訓久之乃厚重言有序不吃其善變化氣質如此尤發憤懣學冬月以麥草煖足讀書遂博通經史中嘉靖戊子鄉試嘗為仲兄紹鳴訴誣枉人命時夏月嘗逐官日行百里雖屈辱勞苦多端若不自知者及兄病在

獄卽八獄供侍湯藥兄賴以痊事亦得白長安生黃甲為異端學來精舍師命廷與居而化之甲不以粒米自隨廷炊熟與食食已甲乃端坐如泥塑人月餘未嘗交一言廷亦終未忍絕也其忠厚如此後入太學而卒

通志

皆如心字子推廩膳生性穎悟讀書能悟人所不到處厭科舉之學慨然有求道志嘗衣冠危坐整心飭身言動酬應悉遵道義年二十九卒萬姓統譜資性剛介往來衢巷未嘗與鄉人立談若將免之者課弟如思讀書雖舉於鄉猶夏楚之俗士謹而諱之確然自執未嘗摧沮庶幾

三原縣志

卷之十三

人物

三

立矣

谿田通志

按黃黎洲學案關中理學長安馮從吾渭

南薛敬思高陵呂柟蘭州段堅三原王恕子承裕及

馬理七人熊愚齋學統持論最嚴止列呂馬於附統

五人不與焉歷科策問亦皆以是為權衡雍正八年

修通志時沿元史之說謂宋史不當分道學儒林為

二因載理於儒林未審龍門之儒林經師也順德梁

善長云漢儒知經術而不知道術王鴻緒明史稿謂

宋史道學傳甚嚴且正天下於是知伊洛淵源上接

洙泗故今以理學為定名又按通志以儒林後於孝

義未考龍門兩漢俱不列孝子傳蓋以孝者人人所

當盡亦人人所難盡也。閔子以孝稱而不與道統之傳。顏子承道統而不以孝名。故論其極則德為聖人，祇大孝之目以德論。則程子云：性中只有仁義禮智四者而已。曷嘗有孝弟來？孔子以稱孝稱弟為士之次，其旨微矣。弘簡錄以道學文翰孝義為次，今從之。溫子知字無知，恭毅長子。少穎異，授書輒成，誦暇則整衿坐，不嬉戲。既長，攻制舉義，入燕秦棘闈，三中副車。乃揣精經義，務學益力，案頭恒置朱程語錄，以思胃進。南雍執經於焦太史，竝欣然有會，以克己毋自欺為鵠，不欲驚於高遠，清虛也。馮少墟開關中書院講學，遠近從者。

三原縣志

卷之十三

人物

四

甚眾。獨契子知延之中天閣，商性命之業，恭毅建石梁築學宮，修城施粥，竭力贊成。教兩弟，日知自知有名。當世疾草執弟手曰：朝聞道夕死可矣。卒祀正學書院。以子樹瓊贈戶部郎，見通志。海印樓集按正學書院在西安今廢

按周廷晷如心，皆前志所逸。周廷通志亦遺。今增詠谿田先生

明長安

馮從吾少墟

卓彼馬光祿，聲望高山斗。弱冠崇理學，平川稱畏友。立朝無多日，強半在猷畝。富貴與功名，視之如敝帚。垂老學逾虛，一步不肯苟。吁嗟如先生，百代名不朽。

祭良醞署丞馬君文

按谿田孫服興為光祿署丞

濟南李攀龍麟

在昔世家由禮爰彰貽穀士不化于豐芑國何賴于喬木也開業者艱承考者逸心危而得志損而失此夫武有不繩之憂統或作之無述君子欲為可繼而奚樂無疆之恤哉唯君有祖早振文囿翕然儒宗德音是茂聲聞四彝身朋三壽唯君則孫毓茲仁厚聿服清僚宗廟用酌既醇既裕如揖如授其在同朝之士見其容貌之婉順勿問名氏而已皆知其為大賢之胄孰不曰吾得以識青雲之良白眉之秀耶是雖鵠鷺之訓聿嚴而騏驥之驟不後昔游太學無敢謂秦無其人而今在仕籍益以信殷實由舊也茲何可使不化於代而嗟斯疾之不偶乎

三原縣志

卷之十三

人物

五

人物六 文學

按聖門游夏方為文學南北史繼儒林而先孝義良有以也故以次於理學

唐

林寶太常博士元和中朔方別帥閻某者封邑太原以官非本郡上謂宰相李吉甫曰有司之誤不可再也宜使儒生條其源系攷其郡望子孫職任並總輯之每加爵邑則令閱視吉甫以命寶撰元和姓纂十卷二十句而

成明舊志

明

張淵字本深門人王康僖尊稱之為頤壽先生長身美髯  
穎敏篤實見者懍然起敬早遊邑庠甘淡泊一切世俗  
事不親善楷書洞究周易為文清拔有氣貢八太學成  
化未授廣平府經歷非其義一介不取有人餽帛一端  
值其出家人受之歸悉其故通夜不寢明日還其人始  
安僚長待如賓友廣人甚德之故官滿不忍捨復保留  
焉凡在官十有三年乃告歸門生徃徃列卿佐矣其操  
履端慎如初後以壽終子楠字直大忠信孝友童子時  
父疾楠號泣籲天祈減年以壽父尋愈府守王衡稱曰  
孝童及歸為廩膳生善書凡三原碑誌及王端毅康僖

三原縣志

卷之十三

人物

六

所撰文皆其所書云

谿田通志

雷鳴字大震由貢生任四川芷部軍民大同二府同知博

學多能卜筮陰陽醫書皆誦習精熟為舉子業恒不屬  
艸凡考試嘗冠多士選日吏部考試亦冠多士年七十  
致仕歸讀書猶及二鼓而寢

谿田通志

馬尚賓名貴以字行生而穎敏祖母徐教之學即奉書晝  
夜讀能盡識大義及長祖母徐語之曰吾聞汝外曾王  
父云道在中庸尚賓遂專心中庸時處士師敏深於中  
庸也相與研極中庸之理吉士解栖霞嘗就問退而歎  
服永樂中詔求遺逸有司以應詔不就尚賓用周易六

士皇極諸書占事知來皆奇驗說者謂當與君平堯夫  
並傳云苑洛集子江字文淵博學好古事親重禮隱居教  
授呂柟謂其得君子之道有九焉雍大記按馬江號雲  
巖谿田之父也谿田稱其隱居教授弟子以千計蓋  
亦二程之太中朱子之韋齋也尚賓號靖川為韓苑  
洛所推重宜其篤生賢哲蔚為儒宗云

張伋字逸稱號勉齋諫議原之孫也性端嚴孤介自矢家  
無儋石不以動念子夜篝燈書聲動四壁督學許敬菴  
深器之謂決科如拾芥而守棘闈者五竟不得一上公  
車計偕自是品益高避不八富有有力者之門間出其不

三原縣志 卷之十三 人物 七

可遏抑之奇於筆端直追鍾元常王大令求者填門溢  
戶乃遜之廣陵持縑素者踵相接也復遷之西泠或更  
踪跡之於是間道歸同時有張光先者字玉芝清修自  
好少為先聖像虔奉而心師之習雲麾將軍得其神妙  
凡碑版殿額題柱非伋即光先得其尺幅爭相寶重光  
先持身不苟與張伋並峙其出處同其壽攷近耄期亦  
同伋有子富光先無子温自知曰白太傅司馬温公均  
無後也於今為烈矣張伋見焦源溥墓誌  
光先見海印樓集

温日知字與恕恭毅仲子也萬歷中舉人潛心墳典文詞  
古雅性至孝事母夫人朝夕唯謹凡事必請少有誤輒



長跽受教出八里閑遇長者則執弟子誼少則進而教之論詩謂太合則成尋常套子致來徐袁之厭惡然太離則晦詭失之牛鬼蛇神矣徐袁即不艱澁氣味薄甚每欲參厚薄離合之中自成一派言論文格必欲創故神奇歸於腐臭語必欲翻故腐臭復為神奇士林以為名言載通志

此以劉昌引撰傳參之海印樓集

揚春芳字伯盛萬歷恩貢端嚴持重勵志濂洛闕閩之學為博興縣訓轉洛川歷鎮番諭所至樂道敦仁諸生企仰之前志

溫淵知號笑園與弟溥知皆諸生工詩文砥節義一時詞

三原縣志

卷之十三

人物

八

場伯仲推壇坫焉甲申後溥知走百粵致命于昭乎淵知縱意詩酒不求仕進著書行世云前志

本朝

溫自知字與亨恭毅季子也十齡喪父一慟幾絕十九

為博士弟子員提學賞其夏聲賦來陽伯趙子函郭引伯諸名流咸推重八太學與董思白程端伯輩相善西游朝那總督楊鶴延為上客欲以軍功上太常堅辭尼其事庚辛之交大稔捐錢穀活人無筭製二廣柳車掩骼數千壬午焚韋杜田券惟義所在畢力赴之逆闖陷關中榜掠諸紳士籍民財自知亦與焉

是時闖踞秦府建者至親鞠於堂上眾謂不免韓詩作與亨繫獄詩憂之及進見對以先人官資盡於龍橋言甫畢有朱衣金幘侍闖右者厲聲曰上知爾貧可即寧家既出詢知朱衣者安定張國紳也時為偽政府尚書其初落魄自知曾賙之故脫於難聞者以為積德之報康熙元年知縣林遜開誌館延自知纂修脫稿未及半而卒河濱李楷私謚孝靖先生

岳映斗字匡六崇正癸未進士幼師溫恭毅執經於溫無知夙稱博通築瓠園谷口楊杜之間風景最勝與遠近士課業其中間寄託詩歌順治乙酉授庶常分

三原縣志

卷之十三

人物

九

校成闡拔知名士最多以才望充纂修官歷官秘書院侍讀學士

前志

韓詩字聖秋號固菴崇正己卯舉人家素封耽精講誦不事生產資用漸絀歌聲出金石少師三水文太青窮典墳邱索之藏而不沾沾局守於章句及質以奇辭與字茂先景純不能越也尤敦氣誼寓居江南交游皆知名士

國朝官至兵部郎著作甚多名家選詩必首列焉

此以通志參學

古堂集

劉蒞字學海幼聰穎讀書輒記長益與行弱冠騰聲庠

序奉繼母盡歡事伯兄瀾如父黎明問安躬自進飯  
冠帶肅其旁食畢方退盛暑不間家人化之動必準  
禮無隕越者於書無不通醫卜象數胥臻精妙尤精  
導引居常靜坐曰吾以煅煉身心爾終身一布衣子  
弟奉絲紵則置之篋中未嘗著體啖飯踰常人惟羅  
蔬果嘉肴列前不一舉箸學使者呂雲藻歎曰古所  
謂淡泊寧靜者殆其是與薦於

朝徵之不起暮年紫芝生書齋石上遠望若火光近視則  
艸也觀者駢闐於是拔之藏於家載通志

揚爾恪少小時父卒揚州伯兄爾恂育之食餼學問博

三原縣志

卷之十三

人物

十

通動必循理伯兄性嚴厲先意承志能盡其歡持身  
介潔雅不喜流俗吟咏之外他無餘事惟與徵君劉  
汾相親相友也學者從之遊一經指授無不騰達孝  
廉王自卓刑部郎揚瑛森進士揚璋森皆出其門載  
通志

石朗字仲昭少有文譽一時工舉業者如李承尹候于  
唐皆請益焉無不掇巍科以去丙戌登賢書令桐城  
南漕二米歲有區頭之役蓋於衆糧長之中輪僉什  
一以彙總焉上下運解水脚耗米日費不貲以致敗  
家蕩產不可勝計朗力請革除潔已愛民公餘惟事

吟咏諸名家選詩必推壓卷註誤左遷潮州桐民立  
祠樅陽山鎮子之屏亦能詩善書見龍眠誌謳  
溫樹琬字虞白順治丁亥進士授堂邑令甫三月罷歸  
家居事親備極色養寧夏巡撫黃圖安欲薦其才樹  
琬以親老辭嘗取天文地志河漕關樞兵刑諸書精  
覈條列為世用具康熙甲寅吳逆蠕動秦中不靖倡  
邑人修城浚壕集鄉勇為守禦踰年卒人知其用之  
未竟也子德嘉康熙戊午舉人博學好古深契陳白  
沙以勿忘勿助為致力處與焦之序同纂邑乘未終  
而卒俱見通志

三原縣志

卷之十三

人物

十一

杜恒燦字蒼舒號杜若八歲能文十七補弟子員值寇  
亂家中落嘗走四方負米養親鄉試中副車遂入太  
學每課輒冠六館自是名益噪考授通判需次未就  
念老親家居食貧因策蹇南遊時時得巨公詩文及  
珍玩錦綺物歸壽其親親大悅先是居京師與中翰  
吳煒交相得同訂觀文大社以振興古學為志及煒  
使關中過焦獲復廣其社於邑之學古書院煒去恒  
燦主盟學者多宗之會長安梁化鳳鎮崇明遣迎為  
上賓既至化鳳以堤成出獵恒燦陪副乘即事作平  
洋沙十章軍中譜為鏡歌尋遊楚遊滇復八吳久之

歸卒寧都魏禧稱其天性孝友從父昆弟為經紀婚娶衣食甚眾篤行不可及自祖父以來急難好客所居濱白渠南車騎冠蓋輻輳每酒酣耳熱潑墨揮毫無不厭所欲而去一夕悉焚所著書弟炳急起收之得詩文若干篇今所傳春樹草堂集也載通志

孫枝蔚字豹人世為大賈業鹽筴甲申之亂年二十四散家財求壯士起義不果隻身走江都復學賈三致千金一日忽自悔且恨曰丈夫當讀數千萬卷書耳何至齷齪學富家為於是折節讀書遂以詩名世年六十舉博學宏詞時有奔競執政之門者京師語云

三原縣志

卷之十三

人物

十二

萬方玉帛朝東海一點丹誠向北宸枝蔚恥之求罷不允促試體仁閣下不終幅而出

天子詔示諸布衣處士有文學素著老不任職事者授京銜以寵其行及格者八人枝蔚與焉部擬正字

上薄之特予中書舍人吏部集驗於庭獨卧不往旋被敦促乃徐入逡巡主爵者見其鬚眉皓白引之前曰君老矣枝蔚正色曰未也我年四十即若此且我前以老求免試公不以為老今我不欲以老得官公又以為老何也部臣愕謝卒以老官之枝蔚貌魁梧性伉直初以明季流離好講兵事家在三原毀於賊比從

京師歸復走江都王阮亭云古詩能發源十九首漢魏樂府兼有溫儲之體以少陵為尾閭者今惟先生一人勅修通志稱其為詩沉雄奇古興至即書不事雕飾而意致灑如其自命在杜韓蘇陸諸公間餘子不屑也詩流傳甚廣事見周櫟園今世說關中人按通志作求免試不許及試被落者誤又沈歸愚別裁集謂豹人詩近粗殆亦如錢牧齋之譏李空同天下卒重空同也

梁舟字木天總戎加琦子也以進士令安肅再令江都治績偉然民吏畏服其時與司李王阮亭同官廣陵

三原縣志

卷之十三

人物

十三

文章聲氣卓然為海內領袖名士汪懋麟方在童年為舟與阮亭所拔識懋麟序舟詩以為高韻逸格梯乎漢魏軼乎六朝惜早年而卒

焦之序字雁和中丞源清子也聲滿膠庠為人修飭康熙乙酉縣令李瀛重修邑乘邑之士大夫咸推之序操筆於田賦深致意焉曰民生所繫吾以杜胥弊也試必冠其曹學使者亦以遠大期之然數奇以明經老

金啟字奕山會稽人徙家三原好讀少陵東坡昌黎集詩詞古雅江南名宿王一元見而奇之為忘年交啟

自是詩益進酒酣耳熱灑灑數千言商州牧王如玳  
聞而致之幕如玳故相國熙猶子也解詩能飲其客  
江南錢卓人詩尤工三人居甚歡未幾牧之家隸慢  
卓人卓人怒去啟亦慷慨辭歸漠然無所向獨與諸  
生劉紹錡善錡亦好古能詩學使者王蘭生稱其始  
假道於溫李終排闥於韓蘇故啟喜從錡錡亦好啟  
啟來錡具飲啟獨酌錡操筆立其旁為詩以酬方啟  
從錡錡即鍵戶惟啟與錡聚他人不預也無何啟卒  
錡鬱鬱不自得唯作詩積二千首卒以成病年二十  
三歿啟與錡詩最富載二南遺音

九畹文集

三原縣志

卷之十三

人物

十四

袁仁林字振千為人靜重好學不苟言笑進士喬塘曰  
與先生語不覺矜躁俱釋非有道不能也嗜韓文手  
自箋註學使者試常奪赤幟與選貢員世泰齊名二  
人學問有素邑之欲教其子弟者非袁即員袁善書  
凡碑版慶唁之詞必出袁手為榮求書者常盈門尤  
精參同契導引有法年八十餘猶書細字精神炯炯  
近九十卒員亦昌後焉

張郊字東野康熙辛卯鄉薦好讀文選嫻音律畫師倪  
雲林曠達不羈年二十四喪妻不再娶為文尚才氣  
同社七人况鴻及楊璋森維珩張岫皆以此決科名

噪一時至賦詩見志則郊獨自負旗鼓相當者惟張岫耳岫字子山雍正癸卯舉人詩宗中晚駘宕可喜郊嘗引為知己郊終於延安教授岫筮仕令山左未抵任卒

李瑛字伯修其先世以賈起家獨能不囿於俗厭浮夸崇詩書弱冠為諸生康熙丁酉受知同考官薦而不售遂寄情詩酒寫山水孝廉李世祥稱其詩有瀟灑出塵之致猶子之繁亦能詩膺賢書早卒

候佐元字輔卿弱冠讀書即知為己之學絕意仕進不懈而進於古文譽日隆遠近多負笈從之經康熙三

三原縣志

卷之十三

人物

十五

十一年大稔著有倒蔗集可補食療本州所未及按張淵雷鳴張俊張光先石朗梁舟通志前志逸今增其中名次前後俱以先卒者列前

馬雲巖墓碑

明高陵

呂

柵 溼野

雲巖先生江得君子之道有九焉其細者勿論也曾祖毅

齋名彥真力舉牲武大武牛也肇家丁村厥祖抑菴仲良割田拯貧

德來野鴿父氏靖川尚賓博學篤孝齊名師敏杜棠不就辟

舉公繩厥武隱居讀書不頌家聲上事靖川尚賓鉅細中禮

有所承受罔弗誦習既其歿也言稱行稽老而不替馬氏

之緒爰茲有光可謂得子道矣躬糞稻粥以養湧病伯氏名湧



渭遺子女

仲氏名渭

予有室家可謂得弟道矣河既蚤卒

季弟名河

老而猶念收鞠馬瑩

從弟

爰有居處可謂得兄道矣舉先

人草莖學書及已燃薪誦讀

谿田嘗誨諸子曰昔元亂人

學書先母懼懼禍輒沒其迹

以誨璠理珊瑚理早聞道未有爵秩著名

朝野可謂得父道矣教學不倦興之以詩肆之以禮博之

以經史約之以小學大學論語孝經先後弟子數以千計

拜伯州牧亦出其門可謂得師道矣糾合耆俊共舉鄉約

剖決里訟人無後言丁村之俗宛若膠庠可謂得處鄉之

道矣數化盜賊艾為良民可謂得禦暴客之道矣貫穿百

家受命如響賦詩豪敏每驚座客凡所注釋多闕日用可

三原縣志

卷之十三

人物

十六

謂得游藝之道矣年既髦鬢童顏兒齒步履登降未嘗馮

杖屬續之刻尤能前知

病草曰今夕亥分雨吾殆去矣果然

可謂得養身之

道矣是固不可泯焉而弗銘也銘曰雲巖先生壽且德沒

而葬之巖薛側

景亦子自述

本朝 温自知

歲丙戌景亦子年躋五十乃於秋杪棲息韋杜看終南山

色飛動活潑青泉白石霜林紅樹無一不是有情之物心

曠神怡真有世外遐想祇隣靡二仲為聞寂耳檢點生平

辜戾多端惟有言必吐不設町畦家貧好施勉強為善一

念差可自述顛末以示兒輩豈敢自諛以來好事之譏也

景亦子十齡遘閔齒十七母夫人授室馬十九青其衿未  
幾析爨薄田僅足饋粥茅屋僅蔽風雨歲時烝嘗不敢少  
怠追隨仲兄嚴事母夫人一蔬一果未獻家廟未奉慈闈  
必不敢先乙卯正月伯兄即世理學孝友益棺論定國人  
靡不傷悼秋八月仲兄登賢書少扶凋謝之門庭仲兄教  
余讀文選史記少陵太白王李七子詩學撰古文詞五七  
言詩六八秋闈不能奮飛來陽伯先生謬贈雲散空庭片  
月高之句梁君旭亦贊以紅樹萬家殘同君旭逢源馭仲  
常叔君士輩結社西刹仲兄壁立羣豪然獎借特甚蓋愛  
而忘其醜也就居室之東構一齋齋中祀吾夫子像香火  
三原縣志 卷之十三 人物 十七

虔潔院落植竹栢花卉葺樓四楹揚脩齡先生題曰海印  
取按指發光之義日讀書其中性嗜賡吟放浪盃酌慕竹  
林行槩癸亥室人喪甲子奉母夫人命續婚於咸寧孫丁  
卯舉子琴時青門諸君子若季鳳長房伯聞子斗盤屋趙  
屏國同州馬季幹華下郭引伯王季安東雲維榆谿王子  
諒涇陽王子遊金明劉客生石生訂社課藝肄業薦福寺  
讀了凡先生立命諸書日行一善未嘗出語同學己巳受  
太青之獎借有生平諳孝友之句南刹掩骼一千七百有  
奇益募化達尊長者共成善緣從此以後或施湯或施藥  
施席施井或施殯地食饑者衣裸者恤無告者置簿自考

庚午西遊登空同山陟王母宮達朝那訪修齡先生有朝  
那遊草先生愛人好施駐節袂袂復攜我於行帳迨遭讒  
被逮門下士多似翟公之客獨余視患難送之華下灑淚  
而別壬申東遊登泰山詣闕里瞻拜吾夫子墓著東遊三  
記癸酉北遊便道登太華絕巔過易水達燕市睹皇居之  
壯遊辟雍納交海內名流得侍董元宰徐元扈李夢白三  
先生座尋捐衣物放生彌勒菴回向東南陸叔度李小有  
張爾唯輩共相倡和北遊草夏四月仲兄逝於家聞之  
傷慟幾不能生甲戌歸里畢兄窀穸請太青銘其墓母夫  
人哭仲兄朝夕勸慰時巨寇眈眈涇原隨諸紳士乘城守  
三原縣志

卷之十三

人物

六

陴夜以繼日王良甫焦逢源張儀昭諸君子謬許景亦子  
賢因追念伯兄易簣之夕曾諄諄以府君文集未梓墓碑  
未豎為托遊立志拮据請祀正學請祀郡祠豎碑者七鑄  
碣者十葺坊者二補修學左右梁二祠創建清北繕城祠  
鑄文集三十卷徵遠近名流詩文闡揚三立之業輯龍橋  
志丁丑母夫人卧病侍湯藥願減己算徧禱神祇茫無一  
效九月二十六日母夫人見諱遵先公家訓祭葬未敢踰  
禮戊寅十月畢窀穸其墓則伯兄三十年前預造者樸厚  
渾堅與恭毅府君窀穸無少異焉可稔伯兄之仁孝矣仲兄  
遺孤珍日夕訓之撰伯兄雅蹟百則刻仲兄嶼浮閣詩靜

生斗室悟得先公一生學問全在子臣弟友之間舍此別  
無元竒高遠鑄迪吉摘要八行圖勸勉同志里社韓聖秋  
有臭味之投每相砥礪當世貴公折節忘分召余從仕擬  
舉賢良簪紱可立致景亦子肆志邱園堅不欲往庚辛之  
交秦中大饑乞丐枕籍道傍同里人捐施錢穀以拯窮困  
鑿坑掩骼製二車號曰廣柳日曳百餘骼約殯數千人困  
中餘粟活數十人尺布瓶粟施者纍纍陳侯我恂豈弟慈  
祥敝車羸馬以拯殘黎曾贊景亦子賢題其門曰德孚興  
情是歲猶子瓊官司農郎請告歸里未幾病卒一切後事  
代為經營壬午不復八闈矣秋九月視田韋杜先是韋杜

三原縣志

卷之十三

人物

十九

人因旱累年欠租二百餘石余期負者畢集燔券書以捐  
之韋杜人多其義匾余門曰心碑德意買肥牛釀村酒演  
劇以謝稽首再拜觀者如堵牆癸未春兒琴刈膠庠十月  
之交遂有偽李八闈之禍偽令陳為從兄南陽司李時所  
擒欲行報復將馬我囹圄不彈指間青衿士數百人黎庶  
數千人遮道淚流為景亦子稱屈陳亦感動釋我未幾強  
八長安欲同縉紳責餉尋以先公之德神明默佑因得生  
還兒子琴頗諳孝道幾欲代我死景亦子還里心怦怦不  
敢寧居者歷數月而先公之棹楔祠碑毀滅殆盡冤哉甲  
申聞神京失守先帝稱大行矣念世受渥恩無可効力率

兒子琴為位而哭者二十七日乙酉產一孫呱呱地下錫名三祝今以踰歲跳躍含飴丙戌屬余賤辰儀昭贈以觴言以晉處士宋逋臣相勗且有與人之誦盈耳陰隲之紋滿面語韓聖秋寄冶城詩遂和以漢宮秋二十章蓋繇一屢韋杜目睹漢家遺宮故礎輒興麥秀黍離之感平昔所著有獲音諸集茲屆五十崦嵫黯淡每念已往之非常思未來之咎樂聞善言樂行善事不以滄桑遷變而易厥初心也景亦子者景行先公之範景亦子為誰京兆三原溫自知與亨也

紫芝記

劉紹放

三原縣志

卷之十三

人物

二十

雍正甲寅授經青門何子永清共筆硯一日向余曰鰲老揚蘭伯言君家舊產紫芝信有之秀靈為不虛矣歸而請於堂上先君子曰曾王父學海公構精舍前有山石環竒琬琰之觀後有竹林陰森冰霜之植暮年芝生石上遙望火光熒然逼視草也隣里異之趨視喧闐曾王父厭之鍵其戶而舍東負城或且踰城俯後墻窺睨於是不得已拔之藏於家側聞王端毅時芝生屋梁康僖公作端芝堂詩余亦欲為文記之牛馬走未果乾隆庚辰謝客養疴偶理家乘啟櫝展玩似菌而大紫赤類畫家朶雲莖堅挺黑如澤漆嗚呼柳州有言天澤餘潤蒸生芝菌菌與芝一也菌

踰年腐敗芝則數十年如一日豈非間氣所鍾不與庶品  
凡卉同其生植歟尚書大傳云王者德先地序則芝草生  
董子云瑤光得則芝生傳云芝有五紫者貴生於石者靈  
以張九齡之賢生坐側杜荀鶴之文生椿樹至宋以來尤  
稱珍異王半山謂山農野老板援狙棧以上臨不測之高  
下至澗溪壑谷分崩裂絕幽窮隱伏人跡之所不通徃徃  
求焉顧得之几席之近巉岼之間何其異歟憶少時讀書  
精舍在舊舍左廣不過一畝而繚合轉折八者迷所向曾  
王父徵聘不起棄綺紈膏粱之習跌宕於圖書翰墨之園  
鍾王虞褚顧吳之逸蹟紫誥丹經瀛渤竺乾之秘典沉酣  
三原縣志 卷之十三 人物 三

枕藉追踪綺季遂使玉莖紫筍比美商山歟抑又聞曾王  
父於書無不讀星歷卜筮貫穿百氏金鼎龍虎煅煉身心  
精神所格有禱必應奉後母盡歡祇伯兄如父制行殊絕  
故能致靈根寶葉爭竒效瑞歟緬維祖德不啻美墻撫茲  
神草庭訓如昨而舊游歷歷雲散風流泫然不知涕之何  
從考其年數老成凋謝獨李仲奉表叔少以從外孫嬉戲  
曾王父之前歸然為魯靈光亦逾古稀端居簡出因囑少  
澗孝廉於定省之暇為余訪之蓋康熙四十二年事也

贈杜杜若

白門春色轉江離

杜若從白  
下初至

驟馬橫鞭作賦時海內競傳

義烏 駱復旦 邑令

新賦草人間猶識舊歌詩  
雨餘燕子呼桃葉  
日落雞鳴舞  
拓枝到處逢  
迎君不少旗  
亭尊酒杜陵悲  
人物七 隱逸

按黃勉齋謂隱逸諸子惟夫子然後可以議其不合於中道未至於夫子者未可以妄議也伯夷之聖既孝且友祇成其為逸民故以先於孝義若唐書更列隱逸于循吏之前矣前志殿後者悞

漢

韓幼儒 按漢書游俠傳自哀平間郡國處處有豪傑其名聞州郡者池陽韓幼儒有謙退之風

三原縣志

卷之十三

人物

三

唐

田遊巖三原人永徽時補太學生罷歸八太白山母及妻皆有方外志與共棲遲山水間自蜀歷荆楚愛夷陵清溪止廬其側長史李安期表其才召赴京師行及汝辭疾八箕山居許由詞旁自號由東隣頻召不出高宗幸嵩山遣中書侍郎薛元超就問其母賜藥物絮帛帝親至其門游巖野服出拜儀止謹撲帝令左右扶止謂曰先生此佳否曰臣所謂泉石膏肓烟霞痼疾者帝悅因勅遊巖將家屬乘傳赴都拜崇文館學士進太子洗馬裴炎死坐素厚善放還山蠶衣耕食不交當世惟於韓

法昭宋之間為方外友云

唐書本傳

明

趙昂字顥若年十七中永樂戍子鄉舉任上林院監署正

四十致仕植花積善教子足不踐非理之地身惟著繒

葛之服遇人論官事拱手而退鄉隣有鬪閉門不出壽

七十一無疾而終子愷字彥康與大學士晦菴劉公為

忘形交由監生任清豐和順二縣主簿陞肥鄉縣丞在

和順時晦菴已八內閣愷八賓席蹲坐侍吏恐晦菴聞

曰此必趙彥康也出見果然

谿田通志

王仲智名智以字行資稟淳樸簡重言笑不苟好拯貧濟

三原縣志

卷之十三

人物

二十三

乏嘗于邑之西園結草為亭以琴書自娛鄉人稱為西

園公益方諸東園公也善教子恕即端毅公其未仕以

勤苦為期逸豫為戒既仕以忠良為期奢淫為戒故端

毅公服膺其訓卒為一代名臣弟仲和以德行為鄉人

所宗凡有爭訟必就之而決婚喪之禮多因之以行

谿田通志

通志

馬仲良仁厚愛人不言人過耕常讓畔居常讓席不事爭

訟鄉人有鬪者輒閉門不視其兄嘗笑之曰吾弟畏人

見樹禁下恐破頭也曰弟非畏人畏理不直耳里人張

氏馬氏蒲氏無田則割田與耕有車一乘歲與朋友共



之敝而無憾他里王氏聞其仁來卜隣乃與同爨十有  
五年如兄弟焉與親鄰處終身未嘗面赤屋簷下常有  
野鴿千百為羣來巢卒有遺言一篇子尚賓通志

聶信字仲孚由貢生任新鄭訓導平生節儉一扇常持之  
數年不易所著衣經年如新通志

馬浩字子充食餼學宮家四壁立藿食水飲講誦弗輟寢

食此道幾不知有寒暑矣穆廟朝戊午癸酉兩番八穀

既予復奪晚中明經選例得謁授博士愀然曰昔賢不

云乎寧緣五斗米辜負一澳竿陶靖節何人哉桑榆景

迫案頭殘編足供伊吾笈必彈冠為其高尚如此三原志

三原縣志

卷之十三

人物

古

馬天章字季襄少從學溫恭毅以女妻之立志端亮善詩

賦工篆隸尤精繒事不求文達人謂烟姿霞韻前有田

游巖後有馬季襄載通志

梁文煥

通志作文煥

明經居我阜闢園築舍種樹畜魚不遠室

廬而其邱壑之致溫恭毅為御史大夫欲薦於朝固辭

之寄情酒德人高其節載通志詳三原志料

胡廷器字含素邑博士籍少喜讀古書不事帖括善寫山

水精篆隸狀貌奇偉躬耕藪澤垂釣谿谷距城市纔一

舍地名可得聞身不可得見也載通志海印樓集

梁爾升字君旭美髯修幹隱居元扈山房時遊吳越與知

名士相唱和前志

本朝

李三畏字四知至性醇篤天姿敏異幼值滄桑舉子業一意經史遨遊吳越齊楚間一時名公巨卿爭相逢迎遼左李用九攝篆池陽時就詢利弊陳積害五款除之勒石縣門前志按前志有程瑁謂徙家三原但谿田通志載於涇陽不言有徙家之事端毅舊志亦無未敢濫登至趙昂王仲智馬浩通志前志皆逸馬仲良通志据韓苑洛墓表載之不詳前志闕焉今俱增

三原縣志

卷之十三

人物

三五

寄宋之問并序

唐田遊巖

弘農清巖曲有盤石可坐宋十一每拂拭待余寄詩贈之

信彼稱靈石居然狎遊棲徘徊承翠巘斌駁帶深谿名陰起層岫清景半虹霓風來應嘯阮波動可琴嵇僕也潁陽客望彼空思齊儻見山人至簪蒿且杖藜

